



DISPUTATIO JURIDICA
INAUGURALIS

DE

1657, 1

85
20

VENDEICATIONI-
BUS ET CONDICTIONI-
BIBUS IN GENERE

QUAM

SUMMI NUMINIS AUSPICIO

DECRETO ET AUTHORITY

MAGNIFICI, NOBILISSIMI ET AM-
PLISSIMI JURECONSULTORUM

ORDINIS

PRÆSIDE

VIRO CLARISSIMO ET EXCELLENTISSIMO

DOMINO

HENRICO DAVIDE CHUNONE

JURIUM DOCTORE, EORUNDEMQVE IN

IN ALMA ET PERVETUSTA HEIDELBERGENSI

ACADEMIA PROFESSORE PRIMARIO, DICTÆ

UNIVERSITATIS PROCANCELLARIO, FACULTATIS

JURIDICÆ P R DECANO &c.

Patrono & Præceptore suo sempiternum colendo

PRO CONSEQUENDIS IN UTROQUE JURE

SUMMIS HONORIBUS

Publicæ Eruditorum censuræ, & placido Examini subijcit

J. JACOBUS FUCHSIUS PALAT.

fr. Ce

Ad diem Decembris

hora locq; solitis

HEIDELBERGÆ,

Typis ÆGIDII WALTERI Acad. Typogr. Anno M. DC. LVII.





SERENISSIMI PRINCIPIS PALATINI

AD RHENUM

S. R. I. Electoris, Architesaurarii & VICARII

Feudalis CURIÆ Præfecto

DN. JOHANNI FUCHSIO

Patri suo filialiter colendo



Primitia Deo, Primitia Patri debentur, æquum quippe, meliora iis, unde optima, imò omnia. Ego sanè in ære Tuo innumera nomina facerem, nisi civilis inter Patrem & filium obligatio per leges occidisset, nunc, ubi hæc non tam mihi, quàm Tibi ipsi tribuisse videris, in nullo Tibi debendi Reus, modò corpus & animam ex hoc nihilo demseris. Sunt enim hæc duo aded post Deum tua, ut mihi ipsi hæctenus nihil in utrùmque turis sit, sed à voluntate nutuque Tuo ambo æquè pendeant. Minus dubia res est, quàm ut argumentorum fulcris indigeat, Unum & ex re præsentis natum adduxisse suffecerit. Nosti Disputationum Inauguralium consuetos stylos, & quàm libenter aliquantò largiùs in foliorum numero luxuriatur Adolescens ætas, vidisti etiam, quæ de Mercaturâ & Cambiis prolixè satis scripserim, Verùm cum & Te nervosa brevitatis, & materia Theorica, cui sua non sit defutura, ut agebas, aliquando Praxeos gloria, amantiorem deprehendissem, Subitò mutavi vela, & in hos Actionum Realium & personarum generalissimos Canones, quorum fabricatio non minus nova, quàm defensio in conflictu difficillima, dilapsus, sic uberem & per Totum Ius diffusam materiam (ubi verò de Actionibus silentium?) brevibus pagellis inclusi, ut nec inopiâ rerum, quod Oppositoris grave fuisset, nec verborum copiâ, unde Lecturos nausea mansisset, Disputatio nostra laboret. Quam Tu in filialis observantia & benignâ fronte accipe, & sanguinem Tuum indefinenter amare perge.

Tuus Obsequentissimus Filius

AUTHOR



I. N. D. N. F. C.

De

VENDICATIONIBUS IN GENERE.

Def.



Vendicationes in genere, sunt Actiones, per quas Jus nostrum in re nobis restitui petimus. Dicuntur etiam petitiones l. 178. ff. de V.S. itemque Actiones Reales.

EXPLIC.

Omniū Actionum Realium causa est Jus in re, idque vel proprietatis vel possessionis vel pignoris vel servitutis. *l. 3. §. 12. ad Exhib. qui habet proprietatem, propriè Dominus & in specie vindicare dicitur r. r. de Rei vind. quod & utiliter faciunt illi, qui Jus in re Dominio proximum habent, ut Emphyteutæ, Vasalli c. un. vers. rei autem 2. feud. 8. § 43. superficiarii l. 73. §. 1. & ll. seq. de R. V. nec non ij, quibus Jure Prætorio ex causâ Domini ficti, vindicatio concessa, quò refer Publicianam in rem Actionem § 4. inst. de Act. ratione possessionis Actiones reales movere dicuntur, illi, qui ex causâ interdicti, pro possessione adipiscendâ vel retinendâ, extraordinariè agunt ff. 1. ff. & C. de interdict. Ex Jure Pignoris, nascitur Actio Realis hypothecaria, sub se comprehendens & Servianam & quasi Servianam. Jure servitutis dantur Actiones Confessoria Negatoriaq; Est enim quædam subtilis servitutum vindicatio & maxime libertatis arg. l. 1. ff. si serv. vindicerur.*

A 2

CANON

2.
CANON I.

Omnis Vendicatio datur Domino.

EXPLIC.

Placuit hinc iisdem terminis uti, quibus paulò post de Conditionibus, quò actionum Realium à Personalibus distantia eò magis elucescat. & memoriæ nostræ per consonantiam terminorum eò melius consulatur. Quare Bachov. ad Treutl. vol. 2. Disp. 20. th. 1. dissentientem, qui tamen ipse ad §. 2. inst. de. Act. n. 2. quoddam servitutis. Dominium agnoscit, non moratus, latè hinc vocabulum Domini, imò abusivè accipio, quo scilicet comprehendantur, Omnes, Jura in re th. præced. adducta, habentes nec non Creditores in fraudem suam alienata revocantes Actione Pauliana quoniam & hæc in rem Actio est §. 6. Inst. de Action. itemque Dominos, Patronos, Parentes ratione Juris in servos, libertos & filios: sibi competentis actiones præjudiciales, quæ etiam in rem sunt §. 13. Inst. de Act. Diss. Vult. 3. Discept. Scholast. moventes.

CANON II.

Nulla vendicatio datur contra Dominum.

EXPLIC.

Qui enim habet suum, id ab eo peti, sicut & ultrà id ipse petere nequit l. 62. pro socio l. ult. C. de positi. quæ in fraud. Cred. hinc Publiciana contra verum Dominum non potest intentari l. pen. de Publici. in rem. act. imò ne contra titulo possidentem quidem, quod & producimus ad illum qui pro herede possidet. Bach. de. Act. disp. 3. th. 21. Est enim pro herede titulus ad usucapionem habilis t. ff. §. C. pro herede: Dabo casus & exempla in conflictu. Quòd autem Vendicatio aliquando contra Dominum dari videatur, veluti si quis servitutem à Domino proprietatis petat, id ex diversitate Jurium fit & quòd quis hujus Juris Dominus, alius verò alterius esse possit, Canon verò intelligendus quoad idem, adeò non. Obst. l. 6. §. 3. si serv. vindic.

CANON III.

Omnis Vendicatio datur contra possessorem.

EXPLIC.

Omnis enim actio in rem est ad restituendam possessionem, quod verum in vindicatione speciali l. 9. 13. 17. §. 1. de R. V. in servitutibus l. 5. §. 4. §. ult. si usus fr. petat. in possessione C. ult. de Restit. spoliatorum, in pignoribus l. 16. §. 3. de pignor. Nec tamen semper ubi agitur ad versus posses-

5
possessorem est Actio Realis l. 20 §. 1. ibiq; Cujac. de interrog. in iure. Possessionem autem hic non propriè & strictè, sed latius accipimus. ut etiam comprehendat nudum detentatorem l. 9. de R. V. Qui conventus & vocatus in Iudicium, si authorem suum non nominaverit, Quæritur, an sententia contra eum lata præjudicet Domino? Quod nos negamus cum Bart. cum forma præscripta l. 2. C. ubi in rem actio non sit observata. Diss: Bach. ac Treutl. vol. 1. Disp. 1b. 4. lit. D. item comprehendat illum, qui dolo malo desit possidere, etiam antè litem contestatam l. 27. §. sed & is de R. V. (nec obstat, quòd hoc nomine Iudicii mutandi causâ actio detur Bach. ad Wesf. de alienat. iud. mut. §. 6.) & illum, qui fecit ne possidere inciperet c. 36. de R. l. in 6to quo casu contra hos & possessorem novum simul agi potest. Cujac. 22. Obs. 29. per l. 150. de R. l. l. 41. ne quid in loco publ.

CANON IV.

Nulla Vendicatio datur contra eundem

EXPLIC.

Persona enim præcipuè in considerationem non venit, sed quia restituenda res est nec eam propriâ autoritate apprehendere licet, qui eam tenet, appellandus est. Bach. de Act. disp. 2. th. 5. in f. Sane fundantur Actiones Reales in Jure absoluto, quod quis in Re prætendit, & ideo ubicunque illud jus est, apud quemcunque persequitur l. 25 §. 8. h. t. licet cum eo non sit contractum l. 13. §. ult. l. 14. 15. ff. de minor. & porrigitur manus vel ad millesimum possessorem.

CANON V.

Nulla Vendicatio datur in heredem

EXPLIC.

Quâ talem l. 42. §. 1. §. 2. §. 5. de Rei vind. Et hoc etiam innuit textus l. 7. C. de revoc. donat. ubi dicitur, hunc Vindicationis esse effectum, ut nec heredi detur, nec in heredem. Quòd si autem heres quoque possessor sit, non idè, quia defunctum repræsentat ut in actionibus personali- bus, convenitur, sed quia rem possidet. Et hactenus noxales actiones realibus similes sunt l. 1. in f. Si quadrup l. 42. in f. de noxal.

CANON VI.

In omni Vendicatione fit declaratio

EXPLIC.

Illius Juris sc: quod Vindicatur. Sichard ad rubr. n. 10. de petit. hered. Sic in rem Vendicatione speciali per sententiam Iudicis quis non fit

A 3

Domini

4

Dominus, sed is, qui jam ante fuit, saltem declaratur l. 35. §. 1. de R. V. & hinc l. 8. §. 4. si servitus vindicetur ait, non debet servitus constitui, sed quæ jam est, declarari. In Actione hypothecariâ similiter declarat Judex actorem habere jus pignoris in re Bach. de Act. disp. 3. th. 38. Sic quoq; in interdictis declarat Judex, uter litigantium possideat vel possidere debeat. Hinc sequitur, Judicia divisoria Fam. excisc. Communi divid. &c. non esse purè realia, nec purè personalia, ut vult Donellus, sed mixta, quia in iis per adjudicationem Judicis, primò fiunt Actoris ea, quæ antè ipsius non erant. §. ult. l. de offic. judic. Diff. Vinnius in Comment. ad inst. de Act. §. 1. n. 11.

CANON VII.

Et denique restitutio

EXPLIC.

Et hæc principalis hujus actionis intentio est atque petitio l. 9. 13. 17. §. 1. ff. de R. V. cum fructibus & omni causâ l. 20. §. 35. §. 1. ff. d. t. quod & expressè in Vendicatione pignorum decisum extat in l. 16. §. 4. de pignor. Diff. Faber. decis. 93. error. 1. & in vendicatione servitutum l. 4. §. 1. 6. §. 2. pen. si serv. vindicetur.

CANON VIII.

Aut interpositio Jurisjurandi in litem

EXPLIC.

Super æstimatione rei sc. in Vendicatione speciali l. 8. in f. de in litem jurando, super interesse verò in hypothecariâ. si reus dolo non restituat rem l. 16. §. in vindic. de pignor. Diff. Faber. dec. 92. error. 10. & 16. conject. c. 15. in confessoria l. 7. si serv. vindicetur in possessionibus l. 1. §. 4. uti possideas l. 15. §. 9. quod vi aut clam.

CANON IX.

Nulla Vendicatio est pœnalis


EXPLIC.

Persequitur enim tantum id quod Actori adest, dico Actori, tantum enim ex hujus personâ æstimatur, an aliqua Actio sit pœnalis an rei persequutoria, personâ rei æqualiter consideratâ. Et ideò licet in hæc actione in litem juretur & aliquando ratione ejus quod interest longè plus petatur, quàm reo adest, non tamen erit pœnalis. Non Obst. l. fin. in pr. de eo per quem fact. junct. l. 1. §. si plures. eod. Nec l. 1. §. 5. ne vis fiat ei junct. l. 1. §. 8. eod.

De

5
De
CONDITIONIBUS
IN GENERE

Def.

 *Conditiones in genere, sunt Actiones in personam, ex Obligatione propter conventionem profecta. Vult. lib. 2. c. 6. I. P. R. seu sunt Actiones in personam, quibus Titium nobis aliquid dare facere contendimus.*

EXPLIC.

Omnis Actio procedit ex Jure aliquo, quod quis circa rem habet, tanquam à causâ efficiente proximâ. Hoc jus duplex est Unum *in re*, alterum *ad rem*, illud, ut supra dictum, multiplex, jus ad rem unum est, Obligatio sc.; quæ actionem in personam parit. Vinn: *Inst. de Act. §. 1. n. 2.* Formula hæc de dando & faciendo extat §. 1. & 15. *pr. inst. de Act.* Cùm verò nobis vocabulo Conditionum omnes Actiones personales ex Conventionem descendentes, quod fieri posse ait *Bach. disp. 4. de Act. th. 8. lit. A.* veniant, non ineptè hîc objicitur, formulam illam non convenire nec accommodatam esse omnibus actionibus in personam, quippe in Actionibus Commodati, Depositi, pignoratitia & Dominum agere, unde nullus dationi locus, & appellatione faciendi restitutionem rei non rectè contineri, sed Resp. in tantâ diversitate actionum personalium certam & ex æquo omnibus competentem formulam dari non posse, & idèd verba in §. 1. *Inst. de Act. & aliis quibusdam modis*, quibus synonyma sunt *l. 1. in pr. de Obl. & Act. ex variis causarum figuris*, propter eas actiones adjecta, quibus aliquid restitui vel exhiberi petitur, credendum *Diss. Faber. 19. Conject. 20.*

CANON I.

Nulla Condictio datur Domino

EXPLIC.

Ut rem suam esse dicat *Bach. ad §. 14. Inst. de Act. n. 3.* exceptâ Condictione furtivâ quæ etiam Domino datur, omnis autem Condictio in
fure

6

fure degenerat *l. ult. in f. ibiq;* Goth. *usufr. quem adm. cav. l. 1. in f. de Condict.*
critic. l. 14. l. 12. pr. de Condict. furtiv. §. 14. inst. de Act. l. 14. §. 16. de furt. Diff.
iterum Faber decis. 78. error. 4. ubi statuit. condictioem sine causâ dari
Domino. sed Respondetur esse speciale *in l. 6. §. 5. rerum amot.* Nec Obstat
exemplum Legatarii, qui Condictioem habet & Vendicationem, cùm
Dominus sit *Back. de Act. disp. 4. th. 10. lit. C.*

CANON II.

*Omnis Condictio datur non Domino contra
Dominum*

EXPLIC.

Quod de naturâ condictioem est, quamvis interdum fallat arg.
l. 6. §. 5. Gl. 25. rerum amotarum. Sunt autem hæc Duo Dominium & Ob-
ligatio harum Actionum fontes sibi invicem oppositi *Vinn. ad inst. de*
Act. §. 1. n. 1. & seq. & sicut in Actionibus in rem Dominium ita in personâ
Reum obligatum habere debet Actor, si obtinere velit. Hic iterum se
ostendunt Actiones Commodati, locati Depositi &c. in quibus & Do-
minus condicere, & ille vindicare qui adversarium sibi habet obliga-
tum videri posset. sed Resp. ipsi Commodanti & Deponenti non dari
Actionem in rem contra Commodatarium & Depositarium quâ tales,
quoniam hoc modo nullam petitori aut Domini aut possessionis mo-
vent controversiam, quod utique in Vindicationibus necessum est, §. 1.
Inst. de Act. sed tantum velut Commodatarius usum diuturniorem sibi
concessum præ tendit. Quod si autem causam detentionis suæ negat,
procul dubio indistinctè Rei vindicatione tenetur, & tum contumaciæ
alicujus argui, & contra eum in litem jurari, aut manu militari auferri
potest.

CANON III.

*Nulla Condictio persequitur fundum ejusve
possessorem*

EXPLIC.

Est in l. ult. §. 1. de contrab. empt. l. ult. de in diem addict. Ratio est
quod æris alieni obligatio sit personalis nec afficiat rem *l. 1. §. 16. ad Sen.*
Trebell. l. 25. §. 14. de petit. hered. l. 15. C. de donat. ibique Goth.

CANON

7
CANON IV.

Omnis Condictio datur contra eundem

EXPLIC.

Et sequitur debitorem ut lepra leprosum, ut loquuntur Interpretes & Ias. ad. §. 1. inst. de Act. n. 2. quemadmodum etiam alius ab eo qui contraxit agere nequit, quod aded obtinet, ut nec expressâ conventionem partium fieri possit, ut alius obligetur, vel alteri obligatio & Actio quæ ratur §. 3. & 4. & §. 18. inst. de inutil. stipul. l. 38. §. 17. de V. Obl. licet hîc sint exceptiones, de quibus agere non est hujus loci. Et ex hoc maxima educitur differentia inter Dominium & Obligationem, & utriusque effectum, qui in Vendicationibus & Conditionibus spectatur, quod scilicet Dominium & Actio directa omninò de persona in personam transeat, sed non ita Obligatio & Actio in personam Bach. de Act. disp. 4. th. 3.

CANON V.

Omnes Conditiones ex Conventione descendentes (de quibus hîc sermo) transeunt in heredes & activè & passivè.

EXPLIC.

Dixi ex conventionem, Ex ea enim solâ hoc pendet, quod actiones hæ descendant in heredes, minimè autem ex eo, quod rei persecutionem contineant, aliàs efficeretur, omnes rei persecutorias ex delicto transire in heredes in solidum quod falsissimum per l. 4. §. ult. & ll. seq. de alienat. Judic. mur. Nulla enim Actio ex delicto in heredem datur, sive illa sit pœnalis pura, sive mixta, sive rei persecutoria ex delicto Bach. disp. 5. th. 4. Dissent. plurimi & novissimè Vinn. ad inst. de perp. & temp. Act §. 1. n. 2.

CANON VI.

In omni Conditione fit Condemnatio vel Absolutio.

EXPLIC.

Quæ verba sunt Actionum personalium propria, sicut verbum Declarari realium, in Realibus enim ubi V. C. Dominus intendit rem suam esse, nulla fit condemnatio super Dominio, sed tantum Domini declaratio, & de restituendâ possessione jussio hinc Theophilus Paraphrases Institutionum Imperialium Græcus ait, præjudicium, quod supra
B inter

8
inter Vendicationes retulimus, constare solâ intentione *ἔτε ὁ ἐχθρῶν*
δίκω ἐν ἐκστῆ h. e. neque enim Condemnationem ullam habet in se, *Dua-*
ren. lib. 2. Disp. c. 2. Similiter *l. 3. §. 11. de pecul.* saltem de personalibus actio-
nibus intelligenda, cū in realibus non contrahatur cum Adversario
per litis contestationem.

CANON VII.

Et tum oritur Iudicati Actio.

EXPLIC.

Nulla enim iterum ex Actione Reali datur rei iudicatæ actio, Et
ided etiam quatuor mensium tempus, quod humanitatis gratiâ con-
demnatis datur, personalibus Actionibus tantum est proprium. *l. 2. 3. C.*
de usur. nec ad Actiones reales, ubi Executio statim facienda, & res manu
militari auferenda *l. 68 de R. V.* trahendum. Imò nec ad eas actiones per-
sonales quidem, quibus agitur ad restituendum, de quib. Th. 1 & 2. in his
enim protinus Judex, si rem penes se reus habuerit, sicut in Actionibus
Realibus, Executionem facere debet *Compz. l. P. F. p. 1. Const. 32. def. 3. 4. 5. 6.*
Quod autem diximus, nullam ex actione Reali dari Rei iudicatæ actio-
nem, fallit in casu, quo Actor in litem jurat, reo non parente, pro illâ
enim pecuniâ Actio Iudicati datur *Bach. de Act. Disp. 8. th. 4.*

CANON VIII.

Omnis Condictio ex Conventione descendens est rei persecutoria.

EXPLIC.

Nullus enim Contractus, nullum negotium civile tendit ad pœ-
nam, sed ad rem, imò ne stipulatio quidem, quæ licet pœnalis dicatur,
tamen magis rei persecutio est, in eâ enim pœna loco interesse petitur,
arg. §. 17. Inst. h. t. ibi vel in stipulatum & c. junctâ l. 68. de V. Obl. Et hinc etiam
nulla Vendicatio est pœnalis, ut suprâ dictum, ex quo Canone concludit
Bachov. divisionem illam in rei & pœnæ persecutorias, personalibus
esse propriam, nec ad reales, cum alterum membrum di-
visionis in eis deficiat, trahendam. *Bach. de
Act. disp. 5. th. 1. in f.*

COROL.

COROLLARIA

EX JURE PUBLICO.

I mperium semper est Nov. 6. in pr. Epil. nec ejus Dignitas moritur
Caus. 12. q. 2. c. 65. licet interdum paulò diutiùs vacet. Et tum

II.

Vicariatus Electori Palatino ad Rhenum, non Bavaria debetur.

III.

Quotidiana ferè apud nos, & ad nauseam usq; repetita de Tutelâ
Electoralis Questio est, forsantamè illud non ita tritū, & cuius
notum, quod ad Obj: CAROLUM IV. tunc nihil novi & præter
Jus commune constituisse, si in casum deficientis Testamentaria,
locus demum esset tutela legitima: solide Respond. illam Senioris
tantum ad Tutelam vocationem satis esse novam, & à l. Civili
parigradu Agnatos simul admittente, discrepantem; Deinde,
Controversum ibi Jus patris & nepotis per indirectum noviter
decidi, & ita magnis motibus ex hoc dubio forsitan prodituris, in
tempore obviari.

EX JURE PRIVATO.

Promissio donationis causâ facta inter virum & uxorem, morte pro-
mittentis non confirmatur, traditione non secutâ. Diss. Corras.
s. c. Miscell. c. 1.

II.

Hypotheca constituta in rebus per beneficium l. 2. C. de Resc. vend. a vo-
catis, non extinguatur Bach. ad Treutl. vol. 2. Disp. 1. th. 2. lit. C.

III.

Emphyteuta donatione vel permutatione alienare potest Emphyteu-
sin, inconsulto Domino. Vinn. Select. Jur. Quest. lib. 2. c. 2.

IV.

Non est Antinomia inter l. 18. pr. de Reb. Cred. & l. cum in corpus 36.
de Acquir. Rer. Dom.

Ex

IO

EX JURE CANONICO.

De Jure Canonum, Viventis est hereditas. c. 3. Extra. Qui filij sint legitimi. Quareis Quomodo? Dicam in conflictu.

II.

Ex hoc Jure Juramentum, etiamsi contra bonos mores Juris Civilis sit, est servandum.

III.

Concubinatus de Eo licitus non est.

IV.

Ridicula ratio est Canonum, matrimonium intra quartum gradum contrahi prohibentium, ob id, quia in corpore humano sunt quatuor humores.

EX JURE FEUDALI.

Cui feudum traditum, praefertur illi cui promissum, etiamsi illa promissio prior, imò, etiamsi ab Imperatore facta sit.

II.

Feudi Filio fam. dati ususfructus Filio, non Patri acquiritur.

III.

Faemina semel exclusa non censetur esse semper exclusa.

IV.

Potest quis duorum simul esse Homo Ligius.

EX JURE CONSUETUDINARIO.

Fidejussores Dotium restituendarum reprobantur t. t. C. ne fidejussor dot. De moribus tamen, fidejussorem ulterò à marito datum obligari, sunt qui testantur

II.

De Jure Civili Matrimonium non est modus solvenda patrie potestatis: secùs de moribus.

III.

De Jure Civili Creditor pignoribus contentus esse non jubetur, sed tenetur Debitor debitum omnibus modis adimplere Edict. Iust. 9. c. 4 Contrarium tamen in debitis ante vel inter nuperas bellorum calamitates contractis in Imperio receptum, testatur plurimum locorum à personis etiam Illustribus practicata Consuetudo.

F I N I S.

1077

ULB Halle 3
003 252 035


Sb.







...O JURIDICA
...URALIS

85
~~84~~
1657,1
20

...ATIONI.
...NDICTIO.
...GENERE

...A M
...NIS AUSPICIO
...UTHORITATE
...ILISSIMI ET AM-
...ONSULTORUM
...NIS

...S I D E
...EXCELLENTISSIMO
...I N O

...IDE CHUNONE

...EORUNDEMQUE IN
...TA HEIDELBERGENSI
...RE PRIMARIO, DICTÆ
...CELLARIO, FACULTATIS
...DECANO &c.

...*sempiternum colendo*
...IN UTROQUE JURE
...ONORIBUS

...& placido Examini subjicit
...HSIUS PALAT.

J. C.

...Decembris
...solitis
...E R G Æ,
...ad. Typogr. Anno M. DC. LVII.